

隋唐石刻拾遗

隋唐石刻拾遺卷下

湖南叢書

寧鄉黃本驥撰

唐下

華嶽廟題名六則

並正書

缺 華州刺史兼御 缺 殿中侍御史庾 缺 監察御史李

亘 缺 太常博士 缺 太華三峯野客 缺 新安縣尉盧 缺

監採藥使翰林 缺 監軍判官尹懷 缺 監軍判官劉 缺

太華山人段藩 缺 押衙左金吾衛大 缺 大曆六年

乙亥 缺

案大曆六年歲次辛亥非乙亥

朝散大夫前鄭州陽武縣令韋況 大厯九年四月

廿二日謁祠題記 平陸主簿杜錫芮城主簿杜梅

建缺字 三月廿三日

缺執籩豆爲國討叛思契丹懇敬祭敬拜牢餼畢陳

所期感通昭鑒不昧列旌旗於綠野羅冠劍於明庭

共展禮容因以題記 大和二年八月廿八日 男

守左驍衛倉曹參軍上柱國賜緋魚袋方參侍從朝

覲

案題名上缺武授堂以叛思爲契丹主名王述葦
以爲國討賊爲句思契丹懇爲句契如契合之契

丹懇猶言丹誠詳攷契丹是時無叛附事而引唐
書本紀以討賊爲指王廷湊撓王師事當以是說
爲正

缺
縣主簿竇存辭鄉貢進士馮耽開成二年四月存
辭請假赴洛耽侍從祈

缺

鄭縣丞攝尉許環 宇文珪 華陰縣尉薛殷圖

咸通十一年十月十七日題

案以上題名五則文並左行

監察御史裏行嚴

缺名

乙卯歲八月庚寅奉使東周敬

展

案金石萃編云乙卯爲昭宗乾寧二年八月乙酉朔庚寅初六日也

案華嶽廟唐人題名分刻于華嶽頌述聖頌精享昭應碑告華嶽文碑之左右及殘埽斷壁中者凡七十餘段姓名可識者三百餘人乾隆四十三年弇山尚書重修嶽廟搜得之載入關中金石記其後王述葺官西安廉訪復加搜拓所得益多以上六則皆畢記所遺因彙錄於大厯六年題名之後

涇王妃韋氏墓志

正書

大唐涇王故妃韋氏墓誌銘序 給事郎行河南府

洛陽縣丞翰林學士賜緋魚袋臣張周撰 夫必有
婦其尚矣先務德禮次求容功兼而有之方謂盡善
不爾則不足以侍執巾櫛宜其室家故詩稱好逑傳
著嘉耦非必獲是孰嬈名王妃姓韋氏蓋京兆長安
人祖湜皇朝中散大夫賴王府司馬贈光祿卿父昭
訓皇朝中散大夫太子僕贈衛尉卿皆公望自遠吏
才兼優來以何暮見歌去以不畱興詠妃卽淮陽府
君之第四女也自漢及今門爲望族男不卿士女則
嫡嬙嬋冕魚軒與時閒出騰光簡牒昭晰紛綸妃以
蕙爲心馨其如蒞詞懿而定服純而衷位則千乘小

君行則一人猶母雖貴無壽命也如何嗚呼享年四十八以建中二年十二月己酉薨于寢以三年二月庚申葬于原禮也存不育男孕女沒無主祀執喪有足悲夫銘曰 關右著姓海內名家氣與蘭馥顏如薺華宜乎作嬪于王之室如何不淑中路先畢松檟交植塗芻共來一晝朝露千秋夜臺目覩原野心傷缺二日光既沈人亦薰缺一中無可欲焉慮發掘但恨長辭獨歸城闕

案唐書宗室傳涇王倓肅宗第七子始王東陽進王涇興元元年薨妃祖湜父昭訓皆見宰相世系

表滉齊州刺史

閭夫人張氏墓志

正書

大唐故清河張夫人墓誌銘

并序

宏農楊暄撰

外孫子聶彭城劉釗書

夫人號威德清河之族積

善承家祖考諱近昌二女

缺一字

不乏世賢園林隱跡

夫人既笄之後嬾于閭氏婉順和睦克柔母儀淑慎

于家聲聞于里況乎先覺早晤色空齋戒在心持念

閉目奈何善不增壽命也自來染疾月旬歲過不減

貞元八年二月廿八日終于京長安縣義寧里之私

第春秋六十有九卽以其年五月十八日擇兆吉辰

葬于長安城西龍首原之禮也嗣子庭萼右龍武軍
宿衛忠孝之道號絕過禮次子庭珍右羽林軍宿衛
邠州節使尚書張獻甫奏赴行營遂忠于國孝不並
行報哀之情昊天何極嗚呼痛哉又足悲也一女四
德嬾于白氏半子之分禮以恭仁攀慕痛深將刻斯
石其銘曰清河夫人嬾于閭氏二男一女忠孝誰理
其一公之獨守痛傷靈机四時定省賴之半子其二
楚挽送終染疾一周死生命也念之何求其三孤墳
寂寂松柏颼颼泉門永閉萬古千秋其四外孫太
清刻字

案書志人劉釺釺字音義未詳其人卽閭女適白氏之子壻也壻作聶者聶壻字通見干祿字書刻字人名太清者白氏之子也

孟再榮造像記

行書

大唐元和三年歲次戊子七月辛巳朔十二日壬辰清信弟子大盈庫染坊等使雲麾將軍左監門衛將軍員外置同正員上柱國賜紫金魚袋孟再榮建立案石廣一尺五寸高九寸許在西安佛寺

心經

正書

案經末一行題大唐元和五年正月一日刊楊君

元泗得之長安石裂爲三書法秀整分上下二層

每層凡十行

西門珍墓志

正書

大唐故朝議郎行宮闈令充威遠軍監軍上柱國賜

紫金魚袋西門大夫墓誌銘

并序

從姪鄉貢進士

元佐上

公諱珍京兆雲陽人也曾祖

空一

祖彭並

蘊異才不苟榮祿孝悌雖形于家室聲芳已著于遠

邇父進朝議郎行內給事賜緋魚袋立性恭寬執心

忠亮入侍闈展出撫軍師歷事四朝竟無敗累故中

外貴介咸遵厥行公器局宏懇見解殊倫幹于理劇

果于從政志存大略不忌小節恆人譏其傲睨高賢
許其豁達至德之初釋褐從仕大歷之末擢居宣徽
建中四年王室多故浮源叛卒晝入犯闕鑾輿西巡
以避封豕艱虞之際尤尙通才除內府局丞充鳳翔
隴右節度監軍判官時懷光不臣潛與泚合翠華于
是更幸梁洋節使楚林果有疑貳公每于衙府輒肆
直言諭其將士徼以禍福國家靡汙隴之憂州縣免
誅夷之弊微公之力殆不及此德宗聞而異之俾充
荆襄沔鄂洪府宣慰使興元元年遂除洪府判官
一缺
字
先鋒兵馬使伊慎下安黃等州貞元元年來獻俘

馘上旌公功拜內僕令令赴本道其年朝覲遷荆南

監軍上以公習于戎事欲將任重聖心未

缺一字

久而

不遣至八年充劍南三川宣慰使其六月監淄青行

營兵馬三千餘人或于岐山西扞荒服上以公臨事

不私撫軍有術凡積星歲踰十瓜時十三年入奏上

嘉其勲錫以朱紱毘戎自從會盟懋負恩信知我有

備未嘗犯邊上以關東甲士遠從勞役悉令罷鎮卻

歸本管三軍別公援轡揮泣如訣父母豈勝道哉既

歸闕庭復任高品暨德宗昇遐順宗嗣位爰選耆德

以輔儲皇轉爲少陽院五品永貞元年屬今上龍飛

公以密近翼戴之績賜紫金魚袋充會仙院使元和
元年改充十王宅使歷事六朝公智足以周身謀足
以解難事上不偏接下不侮自束髮委質銜命撫軍
宣慈則蒸庶再蘇討叛則兇渠授戮動有流譽人無
謗言若非淑慎曷能臻此公身居祿位志不驕矜克
遵象外之談不缺一字生前之事遂于長安縣龍首原
西距阿城東建塋域高岡雖枕夏屋未封君子聞之
僉曰知命夫人馬氏驥之女也內備四德外諧六姻
邕睦允暢于曹風折旋不虧于戴禮不幸先公而歿
有子四人長曰季常次曰季平季華季燧或名參密

侍或職列禁軍咸蘊構堂之姿俱是保家之主以元
佐性無飾僞文好直詞爰命紀能庶旌實錄其詞曰
洪河孕氣兮嵩岳粹精聖君當馭兮哲人乃生才
調不羈兮智略縱橫器宇寢深兮量包滄瀛結髮從
宦兮捐私徇公弱冠授命兮臨人撫戎入侍丹陛兮
三接明寵出宣青塞兮九譯潛通功成位高兮鏘金
拖紫居安慮危兮先人後已去健羨師老氏之危言
齊死生宗大仙之至理自昔有生兮孰能不亡考彼
靈龜兮兆此龍岡或掄或築兮高墳深穴爰栽爰植
兮青松白石 闕廷眾稱其美謂保貞吉以享百齡

逝川不畱奄隨朝露以元和十二年七月一日遘疾
終于修德里之私第春秋七十有四以明年七月廿
日壬寅遷窆于長安縣承平鄉先修之塋從其命也
案此志卒葬年月另敘于銘詞之後前序及銘係
珍作生壙時命從姪元佐撰文後二行則葬時補
敘也

吳達墓志

正書

唐故奉義郎試洋王府長史濮陽吳府君墓誌銘

并

序

鄉貢進士寇同撰 府君諱達字建儒濮陽人

也其先與周同姓文王封太伯于吳至武王始大其

邑春秋之後與爲盟主及越滅吳子孫奔散或居齊魯閒因爲郡之籍氏焉祖偉皇任虔州虔化縣丞父

缺一

字冕皇任禺州別駕題輿貳邑克著公清積慶所

鍾實繁允嗣別駕娶鍾氏而生四子府君卽其長也弱不好弄長而能賢清白自持有南朝隱之之操雄謀獨運得東漢漢公之風厯階奉義郎累試洋王府長史始著籍于豫章晚徙家于京國優游墳典怡性林園脫弃軒蓋之榮趣翫琴樽之樂雖二疏之辭榮四皓之讓祿媿之長史今古何殊不幸以大和四年夏六月十有六日邁疾終于勝業里之私第春秋六